



**Baldvini Cabilliavi E Soc. Iesv Magdalena**

**Cabilliau, Baudouin**

**Antwerpen, 1625**

XX. Instrumenta Hortulanì è Cruce.

---

[urn:nbn:de:hbz:466:1-70461](#)

Iam tuum leges Magistrum  
Ore, corde, voce, visu.  
Cultor ecce te virentis  
Hortuli, vigilque custos  
Aduocat, quid euagaris?  
Et vago gradu peragras  
Vda prata, picta regna  
Veris, herbidosque campos?  
Quem silente flens agello  
Quæris orba, quæris ægra;  
Quæris exsul, & quiritas  
Irreperta diu Magistro:  
Ecce, se tibi Magister  
Sistit, hortulanus ille  
Flrido redux vireto,  
Qui tibi decus perennans  
Sedulâ manu laborat;  
Nulla quod dies edaci  
Deterat fluens in ævo.  
Nónne sarculum stat altâ  
Dexterâ, quod hic amœne  
Sarriet seretque campo  
Ver, & aureum rosetum,  
Lacteumve liliatum,  
Flore puber æuiterno?

## X X.

*Instrumenta Hortulani è Cruce.*

**E**N, in herbido vireto,  
Et Dei manu colonâ,  
In noui laboris ysum,

Rusti-

Rusticana stat supellex.  
 Crux ligo, tridensque rastrum,  
 Siue sarculus tricuspis;  
 Cui mucro riget ter vno  
 Horridus rubensque clauo.  
 Nec liquor deest rigator;  
 En cruor rigans rosetum.  
 Hinc & inde, cerne, quino  
 Flore, rore, purpurascunt  
 Aureæ rosæ; rosanti  
 Quas manu serit colonus,  
 De cruento, de corallo,  
 Et liquente de pyropo.  
 Vnde surgat hoc roseto  
 Spes amœna, flosque Diuūm,  
 Purpuransque dos Amoris  
 Ver, honosque veris ardens,  
 De sacro cruentis ostro,  
 Cui rubens perennat imber.

## XXI.

CHRISTVS hortulanus è spinis inferit  
 cordis MAGDALENÆ surculum.

ISTE, quem vides, agelli  
 Cultor, hortulo virenti  
 Spineum Crucis cruentæ  
 Surculum serit, fouetque:  
 Vnde ramulum recentem  
 Inserat tuis medullis,  
 Termitemque senticosum  
 Pangat asper hortulanus;

Vade